

Titirauhiq Naittuq
Tukhiraut Ihuaqhaunmi No. 4 haffumani Imaup Laisitaarningani
No. 2BE HOP0712
Tukhiqtuutit Kuvivikhaannik Imarmit Uyarakhiurvingnit A, B uvanilu D

Uvani tukhiraunmi, Hope Bay Mining Ltd. Uyarakhiurviat (“HBML”) tukhiqtuqtaat ukuat Nunavut Imaliqiyit Katimayiat (“NWB”) ihuaqhaqyaat Imaup Laisitaarninga No. 2. BE-HOP0712 pitquiniqarluni kuvivikhaannik imarluit Uyarakhiurvingmit A, Uyarakhiurvingmit B uvanngalu Uyarakhiurvingmit D hanianiittumik Doris uvanilu Windy Lake. Hapkuat uyarakhiurviit uyarakhiurviuniaqtut hanadjuhikhaannik Doris-Windy apqutikhaannik atuqtauyukhat tamaat ukiumi ilaa tahapkuninnga ikayuutauniaqtuq qiniqhiavaalliqtnunut uvani Hope Bay nayugaanni.

Titiraqhimavuuq uvani atayumi *Hope Bay-mi Havaakhani Uyarakhiurniat A, B & D Aulapkaikkut Munariqattarnikkullu Parnaiyautaat* (SRK 2010), imaq uyarakhiurvingmunngaqaqtatut hilalungnirmut uvvaluunniit aput imarurninganit talvaniipkaqtauniarumik uyarakhiurvingmi tahamna natia hituarviqarumi naqitqiyamut, piyumagumiuk, qurluarvikhanik uyarakhiurvingmi hanayauyukhaq katitiqpaqtukhamik talvani halumailrua imarikhainikhaanni. Taamna uyarakhiurvik imaiyaqtauyariaqarumi, nunaqarvik pH, EC, Eh unalu tipituyuuq kaasiliq atuqhugit kalaqatunik qauyiharniaqtaat talvalu qimilruuqtauyukhanik katitiriniaqtut qurluaqtinnagit halumailrua. Nunaqarvik pH, EC, unalu Eh uuktuutiginiaqtaat nakilliqaaq uyarakhiurvingmit unghahiktuanit tahaffumap uyarakhiurviup, apqutibluunniit uvvaluunniit ahiit havagvigiyauyunit. HBML-kut tukhiqtuqtut hamna nunaqarvik pH-kunni qurluarviani uuktuutiqaqtukhat 6 uvvalu 8.5, una EC uuktuutait mikitqiyaaq (<) 500 μ S/cm-kunnit talvalu tipituyut kaasiliq mikitqiyaugumi 2.0 mg/L-mit, qurluaqtirniaqtaat tahamna uyarakhiurvik. Qayaginiaqtaat halumailrua ataaniittuuq talvani uyarakhiurvingmi talvalu qurluaqtiqpangniaraat halumailruqaqpallaanngittuqaqqat. Qayaginiaqtaallu tahamna halumailruq iqaluqarniaqtaumut pittailiniaqtaat talvalu kuviyaat qurluaqtuqtitauvangniaqtuq akhagarniaqqpallaannginnahuarlugu maniraq uvvalu halumailrua qurluaqtitauvagluni anmut. Talvani nunani uuktuutait halumairuqarvia angitqiyaugumi hapkuninnga pH, EC uvvaluunniit tipituyut kaasiliit, una milukaut akhaluut aturniaqtaat ahivaqtirlugit uyarakhiurviup imaqtutainit talvalu atuqtauniaqtuq tahamna imaqtirutauluni apqutikhanut qayagilugu tahamna imaq qurluaqtaililugu iqaluqarnirmut.

Qimilruurningat uvvalu kuvivikhaat naunaiyaqtaulutik piyauniaqtut uqaqatigilraarlugit Nunavut Imaliqiyit Katimayiat ukuallu uqaudjiyingit. Tamaita nunani tukhirautit kuvivikhait havaariyauniaqtut pittiaqtaulutik akhagarniaqqpallaannginnahuarlugu talvalu qurluarvigiyaini anmuuqtumit talvalu HBML-kut naunaiqhihimaniaqtut nalliqtinnagu qulit (10) ublut naunaiqhihimalugu Qauyihaqti qurluaqtilirnatik. Una naunaipkut naunaipkutiqarniaqtuq qaffiuyunigliqaak kuvihiniaqtut nanilu kuviviqarniarumik.

Uyarakhiurviup ingilrutait Uyarakhiurvingmit A, B uvanilu D nunamiuyunik haviqarningat naunaiyaqtauhimayut 2008-mi angitqiyami qauyihagtini tallimauyut uyarakhiurvigiyaait Hope Bay-mi havagvianni (takulugu *Nunamiuyunik haviqarvingat Uyarakhiurviat Ingilrutait uvani Doris-Windy Ukiuq-Tamaat Apqutikhaanni, Hope Bay-mi Havagvigiyaat* (SRK 2008), atahimavug). Naunaipkutigiblugu una nunamiuyunik haviqarningat piliriarutaat, hamna huvaluit pihimayut uvannat pingahut uyarakhiurviit ilitturiyauhimayut nunguyuittuqannginniqaqtut, talva haviqarninik maqiyuqannginniqaqtuq talvalu tahamna haviqarnia atuqtauvingnaqtuq hananikkut atuqtauvariaqaqhuni. Ukuat Kitikmeot Inuit Katudjiqatigiit (“KIA”) hananikhaanik angiqhimayut talvalu havauhikhaa ukuat Uyarakhiurviup A, B uvanilu D malikhugu Uyarakhiurnikkut Angirutaani KTP308Q010 uvvalu utuqqaqarviuningani ihivriurninga hapkuat uyarakhiurviit havaariyautaaqtut talvalu havagvikhaat naunaiyaqtaqtut tahapkuat uyarakhiurnikkut pivallianikhaat tumarluiyainianninnikhaatigut amiriyait initurliminirnit. Immaqaak Uyarakhiurviup A, B uvanilu D ilaliutihimangittut uvani 2AM-DOH0713, hananiat Uyarakhiurviup A, B uvanilu D havaariyauniaqtut maliglugit uvaniittut Ilangani D, “Qanurinningat Tukhirautit Hananikhakut” talvani laisitaarunmi talvalu tadja huli atuqtauvingningani haffumap 2BE-HOP0712.